



Inatsisartunut Ilaasortaq Kristian Jeremiassen
/Maani

5. januar 2011
Sagsnr. 2010-043529
Dok.nr. 536717

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Qeqertarsuup Tunuani piniarnermik nakkutilliisut amerlassusaat pillugit Kristian Jeremiassenimit, Siumut, § 37 malillugu apeqqummut nr. 2010-271-imut akissut.

Inatsisartut suleriaasianni § 37 malillugu Naalakkersuisunut imatut apeqquteqarputit.

Apeqqutit

1. Diskobugt-imi piniarnermik aalisarnermik nakkutilliisut amerliniarneqarpat?
2. Nakkutilliisut amerlineqassappata Qasigianguaniippata imaluunniit Aasianniippata sorleq pitsaanerussava?
3. Nakkutilliisut amerlineqassappata qaqagu tamanna piviusunngortinneqassava?
4. Naalakkersuisut isumaqarpat Ilulissani nakkutilliisut suliassartik naammaginatut taama annertutigisoq naammasisinnaagaat?

Akissut

1 pillugu:

Piniarnermik nakkutilliisut pillugit aaqqissuussinermi 2011-imut ukiunullu tullit-tunut missingersuutini piniarnermik nakkutilliisut amerlinissaat periarfissaqangi-laq.

2, 3 aamma 4 pillugit:

2011-imi inatsisissatut siunnersuummi piniarnermik nakkutilliisut pillugit aaqqis-suussinermi ingerlatsinermut aningaasaliissutit 2014 tungaanut 11 mio.kr.-upput. Missingersuutit Kalaallit Nunaanni sumiiffinni allani aaqqissuussinerup annertusinissaanut ajoraluartumik periarfissaqartitsinngillat.

Kisiannili Naalakkersuisut isumaqarput Qeqertarsuarmi eqqaanilu suliassat Ilu-lissani Sisimiunilu piniarnermik nakkutilliisut suleqatigiinnerisigut naammagi-nartumik ingerlanneqartut.

2009-mi 2010-milu piniarnermik nakkutilliisut angallataat ajoraluartumik teknikkikkut ajoquteqartarsimapput. Ilulissani piniarnermik nakkutilliisup angallataata motoria pingaarneq taarserneqaqqammerpoq aamma Sisimiuni piniarnermik nakkutilliisoq 2011-imi februarip ingerlanerani nutaarluinnarmik angallatitaartussaalluni. Piniarnermik nakkutilliisut taamaalillutik isorartunerujussuarmi angalasinnaangussapput, atortullu nutaat atorlugit sumiiffiit pitsaanerujussuarmik nakkutigineqarsinnaalissallutik.

Piniarnermik nakutilliinermut aqqissuussineq allanut ilaliullugu isigineqartari-aqarpoq. Kalaallit Nunaanni sumiiffiit ilaat suli aalajangersimasumik nakkutigineqanngillat, aqqissuinernullu naleqqussarneqarnatik. Naalakkersuisut kaammattuisimapput, immikkoortortaqarfiit, piniarnermut nakkutilliinermut aqqissuussinermut peqataaniarlutik kissaateqartut, aningaasaleeqataanikkut peqataasinnaasut, maannamulli tamanna piviusunnngorsimangilaq.

Piffissami aggersumi nakkutilliisunik amerlanerusunik pisariaqartitsisoqassagaluarpat, tamannalu piffimmi nutaanik nakkutigisassanik pisaqariaqartitsineq naapertorlugu, taava ilimanarpoq Aasiaat piniarnermik nakkutilliisoqarnissamut qitiutinneqalersinnaasoq.

Piniarnermik aalisarnermillu nakkutilliisut suliassaat assigiinngiaartorujussuuput, tassalu KANUAANA suleqatigalugu piniarnermik nakkutilliinermik aamma aalisarnermik nakkutilliinermik aqqissuussineq nalilersorniarpara aammalu tunngaviusumik ilinniartitaaneq pilersinniarlugu. Tamanna pitsaanerusumik tamatigoornerusumillu nakkutilliinermik kinguneqassaaq, nammineq inatsisitsinni piumasaaqatinik kiisalu nunat tamat akornanni Kalaallit Nunaata pisussaaffigisaanik tamakkiisumik malinniffiusoq.

Inussiarnersumik inuulluaqqusillunga

Ane Hansen